



ՀԱՍՏԱՏՈՒՄ ԵՄ՝
Շրջակա միջավայրի նախարար
Հ. Սիմիդյան

« 17 » 12 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0224-21

Ձեռնարկողը՝

«Ախուրյան Կոոպչին» ՍՊԸ
Թբիլիսյան խճ. / 1 Գյումրի 3101 Շիրակի

Գործունեությունը՝

Ղարիբջանյանի ավազակոպճային խառնուրդի հանքավայրի
/Ջարդիչ կայանքի/ շրջակա միջավայրի վրա
ազդեցության գնահատման հաշվետվություն
Շիրակի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի՝ պարտականությունները կատարող



Խ. Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0224-21
<12> 12 2021թ.

**Ղարիբջանյանի ավազակոպճային խառնուրդի հանքավայրի /Ջարդիչ
կայանքի/ շրջակա միջավայրի վրա ազդեցության գնահատման
հաշվետվություն**

Ձեռնարկող՝	«Ախուրյան Կոոպչին» ՍՊԸ
Փաստաթղթի տեսակը՝	Շրջակա միջավայրի վրա ազդեցության գնահատման հաշվետվություն /ՇՄԱԳ/ «Ա» կատեգորիա
Գործունեությունը՝	
Տեղադրման վայրը՝	Շիրակի մարզ, Ղարիբջանյան համայնք

Ներածական մաս. Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ ենթակետի՝ Շիրակի մարզի Ղարիբջանյանի ավազակոպճային խառնուրդի հանքավայրի շահագործումը դասակարգվում է «Ա» կատեգորիայի գործունեության տեսակի:

Նախկինում ՀՍԿՄ «Ախուրյան Կոոպչին» ՍՊ ընկերությունը Ղարիբջանյանի ավազակոպճային խառնուրդի հանքավայրը շահագործել է 20.10.2012թ.-ի N ՇԱԹՎ-29/136 ընդերքօգտագործման թույլտվության, թիվ 136 ընդերքօգտագործման պայմանագրի և լեռնահատկացման ակտի շրջանակներում: Արդյունահանման թույլտվության ժամկետը ավարտվել է 2020 թվականին:

Սույն նախագծով «Ախուրյան Կոոպչին» ՍՊ ընկերությունը ցանկանում է վերսկսել աշխատանքները՝ արդյունահանման նոր թույլտվություն ստանալուց հետո:

Հանքարդյունահանման համալիրի հողակտորի նպատակային նշանակությունը՝ արդյունաբերության, ընդերքօգտագործման և այլ արտադրական նշանակության: Գործառնական նշանակությունը՝ արդյունաբերական օբյեկտների:

Ղարիբջանյանի ավազակոպճային խառնուրդի հանքավայրը ծագումնաբանորեն կապված է Ախուրյան գետի ժամանակակից հունային նստվածքների հետ և հանդիսանում է գետաողողատային տիպի հանքավայր: Ղարիբջանյանի ԱԿԽ-ի անքավայրի երկրաբանական կառուցվածքում մասնակցում են Ախուրյան գետի ժամանակակից ալյուվիալ-պրոլյուվիալ ու ճահճային առաջացումները և ողողահունային ալյուվիալ ավազակոպճային նստվածքները:



Հաստատված պաշարները հաշվառվել են շինարարական ավազի և կոպճի ու խճի հանքավայրերի Հանրապետական հաշվեկշռում

Նկարագրական մաս. Շիրակի մարզի Ղարիբջանյանի ավազակոպճային խառնուրդի /ջարդիչ կայանքի/ հանքավայրը զբաղեցնում է 0.67 հա տարածք, գտնվում է Շիրակի մարզում, Ախուրյան գետի ողողահունում՝ Ղարիբջանյան համայնքի վարչական սահմաններում, իսկ ջարդիչ կայանքի տեղամասը զբաղեցնում է 0.709557 հա մակերեսով տարածք:

Հանքավայրի սահմաններում (0.67հա) օգտակար հանածոյի հաշվեկշռային պաշարները կազմում են C1 կարգով 142000մ³: Լեռնատեխնիկական բարենպաստ պայմանները հնարավորություն են տալիս հանքավայրը մշակել բաց լեռնային աշխատանքներով: Ըստ սույն նախագծի.

- օգտակար հանածոյի հաշվեկշռային պաշարները կազմում են 142.0հազ.մ³ ընդ որում՝ տարեկան արտադրողականությունը՝ 7.1 հազ.մ³, դինամիկ վերականգնվող՝ 134.9հազ.մ³,
- պաշարների վերականգնման գործակիցը՝ ընդունված է 1 միավոր,
- օգտակար հանածոյի կորզվող պաշարները – 122.2հազ.մ³ ընդ որում՝ ստատիկ 6110մ³, դինամիկ վերականգնվող՝ 116.09հազ.մ³:

Բացահանքը վերջնական դիրքում ունի հետևյալ պարամետրերը.

- ամենամեծ երկարությունը – 351մ;
- ամենամեծ լայնությունը – 50մ;
- ամենամեծ խորությունը – 1.3մ;
- օտարման տարածքը - 0.67հա

Մորֆոլոգիական տեսակետից տեղամասն իրենից ներկայացնում է հարթ տարածք՝ սակավաթեք ռելիեֆով և գտնվում է 1450-1455մ բացարձակ բարձրությունների վրա:

Ընդերքօգտագործման իրավունքով ՀՍԿՄ «Ախուրյանի Կոռային» ՍՊ ընկերությանը հատկացված տարածքը սահմանափակվում է հետևյալ կոորդինատներով /ըստ Arm WGS-84 համակարգի/.

8397419	4512834	8397664	4513084
8397436	4512816	8397650	4513097
8397500	4512885	8397605	4513041
8397561	4512958	8397549	4512969
8397617	4513029	8397484	4512900

Հանքավայրի սահմաններում հետախուզվող ԱԿԽ-ի կուտակը համատարած հիմնատակվում է կավաավազների շերտով, որոնք կտրվել են բոլոր հետախուզահորերով մինչև 0.1-0.4 մ խորությանը: Ավազակոպճային կուտակի համար կավաավազները հանդիսանում են ստորին երկրաբանական սահմանում: Հետախուզված ավազակոպճային կուտակը ներկայացնում է մոտ 350մ ձգվածությամբ եւ 15-25 մ լայնությամբ, հոսանքի ուղղությամբ մեղմաթեք անկմամբ եւ 0.8-1.3 մ հզորությամբ մարմին, որը հունով դեպի վեր սուրանկյուն ձեւով սեպանում է: Օգտակար հաստվածքում ավազի պարունակությունը 38.48-40.82% է: Ավազը տարակազմ – հատիկային է եւ բաղկացած է քվարցի, դաշտային սպաթի եւ մուգ գույնի միներալների ու տարբեր ապարների հատիկներից: Հատիկները ըստ ձեւի անկյունավոր են, որոնց մակերեսային թույլ հղկված է: Ըստ հատիկների չափերի ավազները դասվում են 'բարձր խոշորայնության' ավազների խմբին:

Կոպճի պարունակությունը ԱԿԽ-ում տատանվում է 59.18-61.52 %: Կավային նյութը ԱԿԽ-ում գտնվում է հիմնական զանգվածում ցրված (փոշիացված վիճակում): Կավային մասնիկների պարունակությունը տատանվում է 4.8-ից 7.2 % սահմաններում, որի գերակշռող մասը 4.2-7.2% գտնվում է ավազային ֆրակցիայում, իսկ կոճպային ֆրակցիայում միջինը 0.6 %-ը:



Տեղանքից երկար տարիների ավազահանման փորձը ցույց է տվել, որ գարնանը, իսկ առանձին անձրեւառատ տարիներին անգամ աշնանը, խառնուրդից հանած ծավալները հեշտությամբ վերականգնվում են փոքր-ինչ տեղափոխվելով հունի սահմաններում, հիմնականում պահպանելով կուտակման նախկին ձևը:

Հանքավայրի տարածքում հանքավայրը ծածկող մակաբացման ապարները բացակայում են:

Հանքավայրի կորուստները ընդամենը կազմում են 990մ³ կամ 13.94%:

Հանքավայրում ընդերքօգտագործման թույլտվության ժամկետի երկրաձգման դեպքում օգտակար հանածոյի արդյունահանման աշխատանքները շարունակվելու են կիրառվող տեխնոլոգիայով: Հանքի շահագործումը կտևի 20 տարի:

Քանի որ, օգտակար հաստաշերտը ունի համարյա հորիզոնական տեղադրում և կայուն հզորություն, հանքաշերտի բացումը կատարվում է բացահանքային դաշտի հարավ արևմտյան մասից (ամենացածր նիշը) ընդլայնական կտրող խրամի անցումով:

Ավազակոպճային խառնուրդի արդյունահանման աշխատանքները կատարվելու է դեպի ներքև շերտի ման եղանակով, 1.5մ³ շերտի տարողությամբ հակառակ բահով սարքավորված 300 LS-9S մակնիշի էքսկավատորով: Կատարվելու է օգտակար հանածոյի արդյունահանում և կուտակում օգտակար հաստաշերտի մակերևույթին (առաստաղին)՝ օգտակար հանածոյի ջրազրկման նպատակով, որից հետո իրականացվելու է ջրազրկված օգտակար հանածոյի կույտի բարձումը տրանսպորտային միջոցների մեջ: Շերտի ման խորությունը էքսկավատորի ծայրային անցման դեպքում կազմում է 10.0մ, որը լիովին բավարարում է օգտակար հաստաշերտը մեկ աստիճանով մշակելու համար: Օժանդակ աշխատանքների համար էքսկավատորի հետ ընդունվում է նաև 1 հատ T-130 մակնիշի բուլդոզեր:

Հանույթաբարձման աշխատանքների համար նախատեսվում է մեկ 1.5մ³ շերտի տարողությամբ, հակառակ բահով սարքավորված էքսկավատորով: Օժանդակ աշխատանքների համար էքսկավատորի հետ ընդունվում է նաև 1 հատ T-130 մակնիշի բուլդոզեր:

Մակաբացման ապարներ բացահանքում բացակայում են, որի պատճառով լցակույտային աշխատանքներ բացահանքում չեն կատարվում:

Արդյունահանված ավազի տեղափոխումը կատարվում է, մինչև 0.5կմ միջին հեռավորության վրա գտնվող ՋՏԿ կատարվում է KaMA3-6520 ավտոինքնաթափի միջոցով:

Արդյունահանման աշխատանքներն իրականացվելու են սեզոնային ռեժիմով՝ տարեկան 10 ամիս, քանի որ բացառվում են Ախուրյան գետի վարարումների օրերը: Ամեն տարի՝ գարնանային վարարաջրերի նահանջելուց հետո կատարվելու է կտրող խրամի անցում և փոխադրվող երկաթբետոնե տիպային սալիկների տեղադրում՝ լեռնատրանսպորտային սարքավորումները բնահողի մեջ չխրվելու համար:

Ակիս զանգվածը ջրազերծման նպատակով կուտակվելու է կույտերում /բացահանքի եզրագծի մոտ/, իսկ կույտերից բարձվելու է սպառողի ինքնաթափերի մեջ:

Ավազակոպճային խառնուրդի արդյունահանումը իրականացվելու է գետի ափին զուգահեռ 5-10մ լայնությամբ գետից մեկուսացված խրամներով՝ թողնելով 10մ բնամաս խրամի և գետի միջև, որը թույլ կտա չխախտել գետի բնական հոսքի ռեժիմը և զերծ պահել գետը հնարավոր պղտորումից:

Օգտագործվելու է ընկերության կողմից նախկինում օգտագործված և գոյություն ունեցող ենթակառուցվածքները /մոտեցող ճանապարհ, գոյություն ունեցող ավտոճանապարհ և ՋՏԿ-ի բեռնաթափման հարթակ, արդյունաբերական հրապարակ/:

Յուրաքանչյուր տարի սեզոնի սկզբում նախատեսվում է կատարել հետևյալ լեռնանախապատրաստական աշխատանքները՝ բացահանքի հարավ-արևմտյան մասից ջրհեռացման առվի կառուցում, օգտակար հաստաշերտի մակերևույթին տրանսպորտային



սարքավորումների և էքսկավատորի շարժման ուղեծրով ПБЖ-32 մակնիշի փոխադրվող երկաթբետոնե տիպային սալիկների տեղադրում:

Հանքավայրի շահագործման ժամանակ ընդունված է ընդլայնական ընթացքաշերտերով միակողանի մշակման համակարգ, որը ունի հետևյալ տարրերը՝

- աստիճանի թեքության անկյունը՝
 - աշխատանքային – 40° ;
 - ոչ աշխատանքային (մարված) – 30° ,
- ընթացքաշերտի լայնությունը – 8.5մ,
- էքսկավատորի աշխատանքի անվտանգ գոտու շառավիղը – 18.0մ,
- աշխատանքային հրապարակի լայնությունը – 23.0մ:

Ջարդիչի և հանքավայրի ջրամատակարարումը տեխնիկական ջրով կատարվում է «Ախուրյան Կոոպչին» ՍՊԸ ընկերությանը Շրջակա միջավայրի նախարարության կողմից արդյունաբերական նպատակով տրված թիվ 000105 Ջրօգտագործման թույլտվության շրջանակներում: Խմելու ջուրը ջրի ցիստեռնով բերվելու է մոտակա Ղարիբջանյան գյուղից:

Բացահանքի ջրամատակարարումը կատարվում է արդյունաբերական հրապարակը խմելու ջրով ապահովելու, մոտեցող ավտոճանապարհը ջրելու համար տեխնիկական ջրով մատակարարելու համար: Տեխնիկական ջուրը բերվում է ջրցան ավտոմեքենայով: Խմելու և կենցաղային նպատակներով ջրի ծախսը կկազմի՝ $28.86 \text{ մ}^3/\text{տարի}$ (միջին օրեկան 0.148 մ^3), ջրի ծախսը 1 մ^2 տարածքում փոշին նստեցնելու համար կկազմի $0.5 \text{ լիտր}/\text{մ}^2$, իսկ կենցաղային կեղտաջրերը 0.13 մ^3 օրեկան կլցվեն բետոնային լցարան, որտեղից պարբերաբար կտեղափոխվեն մոտակա մաքրման կայան:

Արտադրական տարածքներում նախատեսվող գործունեության արդյունքում արտադրական արտահոսք չի առաջանում: Տարածքից անձրևաջրերի հեռացման կամ ջրցանից առաջացող հնարավոր արտահոսքերի համար արտադրական հրապարակի ցածրադիր մասում նախատեսված է պարզարան, որտեղ կուտակված հոսքաջրերը կենթարկվեն մեխանիկական մաքրման, որից հետո պարզված ջրերը կարող են օգտագործվել արտադրական նպատակով: Տնտեսակենցաղային հոսքաջրերը կհեռացվեն դեպի արտադրական հրապարակում նախատեսվող անջրթափանց հոր:

Քանի որ, ըստ սանիտարական նորմերի 3-րդ դասի /категории/ լեռնային ապարների հանքավայրերի համար սանիտարապաշտպանիչ գոտու մեծությունը կազմում է 100.0մ, իսկ քարամշակման արտադրությունների և շինանյութերի արդյունահանման համար, /Ղարիբջանյանի ԱԿԽ-ի արդյունահանման աշխատանքներ և ՋՏԿ/ համար սանիտարապաշտպանիչ գոտու մեծությունը կազմում է 50մ., ապա հաշվի առնելով այն հանգամանքը, որ մոտակա բնակավայրը գտնվում է ավելի քան 500մ հեռավորության վրա, ուստի հատուկ միջոցառումներ ՍՊԳ կազմակերպման նպատակով չեն նախատեսվում:

Արդյունահանման աշխատանքների ավարտից հետո նախատեսվում է իրականացնել միայն արտադրական հրապարակի և մոտեցնող ճանապարհների ռեկուլտիվացիա՝ համապատասխանաբար՝ 220 մ^2 և 2560 մ^2 /կամ ընդհանուր/ 2780 մ^2 կամ 0.278 հա : Բուն բացահանքը չի ռեկուլտիվացվելու, քանի որ հանքավայրը դասված է վերականգնվող պաշարների հանքավայրերի շարքին և արդյունահանված տարածքը յուրաքանչյուր տարի լցվում է ավազակոպճային խառնուրդով: Ռեկուլտիվացման ծախսերը կկազմեն՝ 156200 դրամ:

Շրջակա միջավայրի վրա հնարավոր ազդեցությունը և վնասակար ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

Նախատեսվող գործունեության աշխատանքների ընթացքում հնարավոր են ազդեցություններ օդային ավազանի, մակերևութային ջրերի, հողային ծածկույթի, բուսական և կենդանական



աշխարհի, վրա: Հիմնական ազդեցությունները կապված են մեքենաների և տեխնիկայի տեղաշարժից փոշու և ծխազագերի արտանետումներով, աղմուկի առաջացմամբ, երթևեկության ինտենսիվացմամբ, աշխատողների աշխատանքի անվտանգության և սոցիալական այլ գործոնների հետ, որոնք բնութագրվում են՝

- օդային ավազան՝ հումքի, արտադրանքի տեղափոխման և հանքաքարի ջարդման ընթացքում, արտանետվող վնասակար նյութերով՝ անօրգանական փոշու տեսքով, որն առաջանում է բացահանքի սահմաններից դուրս տրանսպորտային աշխատանքներից, ազոտի և ածխածնի օքսիդներ և ածխաջրածիններով, որոնք առաջանում են դիզելային ու բենզինային վառելիքով աշխատող մեխանիզմներից,
- հումքի տեղափոխման հետ կապված մերձակա բնակչության /Ղարիբջանյան բնակավայր/ պատճառով անհանգստություն և անհարմարություններ
- ծանր, բեռնատար ավտոտրանսպորտային միջոցների շարժի պատճառով երթևեկության ավելացում, ինտենսիվացում,
- աղմուկի մակարդակի ավելացում՝ ջարդիչների և տրանսպորտային միջոցների աշխատանքի արդյունքում,
- տեսանելի պատկերի փոփոխություն, քանի որ ջարդիչները տեղադրվելու են բաց տարածքում,
- բարձր, կույտերի առաջացման ժամանակ, քամիների որոշակի ուղղության դեպքում փոշու տարածում շրջակա տարածքներ,
- արտադրական գործընթացներում աշխատողների առողջությանը հասցվող վնաս՝ գործունեության իրականացման ընթացքում:

Հանքավայրի աշխատանքների բացասական ազդեցությունը հանքավայրի տարածաշրջանի բուսական և կենդանական աշխարհի վրա աննշան է:

Հանքավայրի և ջարդիչ կայանի շահագործման ընթացքում կարող են առաջանալ տարբեր բնույթի թափոններ՝ հանքաքարի արդյունահանման, ավտոտրանսպորտային և տեխնիկայի սպասարկման, մատակարարման, աշխատողների կենցաղային սպասարկման արդյունքում, որոնց առաջանալուն պես անմիջապես ընկերության բեռնատար մեքենաներով կտեղափոխվեն համապատասխան լիցենզավորված կազմակերպությունների ընդունման կետեր, կամ աղբավայրեր:

Շահագործման փուլում առաջացող թափոնները ներառում են.

- բանեցված շարժիչների յուղերի թափոններ՝ 0.15 տ/տարի, ըստ ՀՀ բնապահպանության /ներկայում՝ շրջակա միջավայրի/ նախարարի 2006 թվականի հոկտեմբերի 26-ի թիվ 342-Ն հրամանի հավելվածի թափոնի դասիչն է՝ 5410020102033, բաղադրությունը՝ նավթ, պարաֆիններ, սինթետիկ միացություններ,
- իրենց սպառողական հատկությունները կորցրած դիզելային յուղերի մնացորդներ՝ 0.2 տ/տարի դասիչ՝ 5410030302033, բաղադրությունը՝ նավթ, պարաֆիններ, սինթետիկ միացություններ,
- բանեցված դողածածկաններ՝ 0.2 տ/տարի՝ դասիչ՝ 5750020213004, բաղադրությունը՝ ռետին-95%, մետաղյա լարեր (կորդ) -5%,
- բանեցված կապարե կուտակիչներ և խոտան՝ 0.1տ/տարի, դասիչ՝ 9211010013012, բաղադրությունը՝ կապար պարունակող ցանցեր, կապարի օքսիդներ և ծծմբական թթու պարունակող լուծույթներ, պլաստիկ կաղապարներ,
- կենցաղային աղբ, քանակը՝ 3.6 տ/տարի, ըստ բնապահպանության /շրջակա միջավայրի/ նախարարի 430 հրամանի հավելվածի «Կազմակերպությունների կենցաղային տարածքներից առաջացած չտեսակավորված աղբ (բացառությամբ խոշոր եզրաչափերի)» տեսակին, դասիչ՝ 9120040001004:



Հանքավայրի շահագործման ընթացքում ջրային ռեսուրսների աղտոտում տեղի չի ունենում, քանի որ հանքարդյունահանման աշխատանքների տեխնոլոգիայով արտահոսքեր չեն առաջանում:

Ջարդիչ կայանի աշխատանքների ընթացքում հնարավոր բացասական ազդեցությունները շրջակա միջավայրի բաղադրիչների վրա պայմանավորված է ջարդիչի աշխատանքով մթնոլորտային օդ անօրգանական փոշու արտանետումներով:

Ըստ գնահատման հաշվետվության մթնոլորտում վնասակար արտանետումների ցրման հաշվարկները կատարվել են համակարգչային «էռա» ծրագրով և ըստ ստացված արդյունքների աղտոտվածության առավելագույն մակարդակը կազմել է՝ 0.184117 ՍԹԿ (0.055235 մգ/մ³), ինչը զգալիորեն ավելի ցածր է թույլատրելի նորմից:

Հանքի շահագործման արդյունքում տնտեսական վնասը կկազմի (մթնոլորտային օդի և հողի վնասի համագումարը)՝ 1023859 դրամ:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

- ապահովել տարածքների ջրցանման համակարգի անխափան աշխատանքը,
- պարբերաբար ստուգել և անհրաժեշտության դեպքում կարգաբերել ջարդիչի և փոխակրիչի շարժիչները,
- կազմել հանքաքարի ստացման և արտադրանքի առաքման ժամանակացույց, նվազեցնելու համար ճանապարհների բերնվածությունը և բնակչությանը պատճառվող անհանգստությունը,
- տրանսպորտային միջոցների երթևեկության կազմակերպում միայն ցերեկային հնարավոր սոցիալական ազդեցություններից խուսափելու համար,
- տրանսպորտային միջոցների երթևեկության համար ժամանակացույցի մշակում՝ երթևեկության ինտենսիվությունը չգերազանցելով 20 րոպեն մեկ երթ հաճախականությունը
- սիստեմատիկ (սեզոնի սկզբում և վերջում) պետք է կատարել մարկշեյդերական դիտարկումներ վարարաջրերի ժամանակ մշակված տարածություն լցվող օգտակար նստվածքաշերտի պաշարները (դինամիկ պաշարները) քանակապես և որակապես հաշվելու և հսկելու համար,
- իրականացնել հումք տեղափոխող ճանապարհների ջրցան շոգ և քամոտ օրերին,
- արտադրական տարածքը պահել բարեկարգ և խնամված վիճակում, թույլ չտալով աղբոտում, կանոնավոր աղբահանում
- տեխնիկա-տրանսպորտային միջոցների /շարժիչների/ պարբերաբար ստուգում և կարգաբերում,
- տեխնիկա-տրանսպորտային միջոցների շահագործում սարքին վիճակում՝ բացառելու համար վառելիքի և յուղերի պատահական արտահոսքը,
- տրանսպորտային միջոցների սպասարկում՝ Գյումրու մասնագիտացված կայաններում,
- մշտապես խոնավացնող ջրի առկայությունը և ապահովվում,
- պատվերների բացակայության ժամանակահատվածում կուտակված խճի ջրցանի իրականացում,
- հողաձածկի աղտոտումը կանխելու նպատակով՝ օգտագործված յուղերը հավաքում մետաղյա տակառներում և պահպանում հատուկ առանձնացված տեղերում,
- մետաղի և այլ արտադրական թափոնները հավաքում և տրամադրում հատուկ լիցենզիա ունեցող վերամշակող կազմակերպություններին,
- տեխնիկա-տրանսպորտային միջոցների ընթացիկ վերանորոգման աշխատանքների կատարում միայն այդ նպատակով նախատեսված արտադրական հարթակներում:
- կենդանական և բուսական աշխարհի պահպանությանն ուղղված միջոցառումներ:

Ղարիքջանյանի ԱԿԽ-ի արդյունահանման աշխատանքների ժամանակ հնարավոր են վթարային իրավիճակներ, ինչպես նաև բնական աղետներ և անբնական



օդերևութաբանական պայմաններ, որոնց դեպքերում շրջակա միջավայրի լրացուցիչ աղտոտումը կանխելու կամ հնարավոր չափով նվազեցնելու համար ընկերությունում կմշակվի գործողությունների ծրագիր, որը ներառում է մի շարք համապատասխան միջոցառումներ՝ անբարենպաստ օդերևութաբանական պայմանների դեպքում աշխատանքների հսկողությունը խստացում, ջրցանի ծավալների ավելացում, միաժամանակ աշխատող տեխնիկական միջոցների քանակը կրճատում, Ակխ-ի հանքավայրում փորման-բեռնման աշխատանքները դադարեցում, այդ թվում նաև ԱԿԽ-ի խառնուրդի տեղափոխման աշխատանքների դադարեցում: Հակահրդեհային անվտանգություն նկատառումներով նախատեսվում է հակահրդեհային սարքավորումներով և միջոցներով համալրում, այն սարքավորումները, որոնք չունեն ավտոմատ հակահրդեհային սարքավորումներ ձեռքի կրակմարիչների առկայության ապահովվում, արտադրական հրապարակում հրշեջ հիդրանտի տեղադրում, արտադրական հրապարակի, աշխատանքային հրապարակների ժամանակին մաքրում հրդեհավտանգ թափոններից և աղբից և այլն:

Շրջակա միջավայրի մշտադիտարկումը /էկոլոգիական մոնիթորինգը/ շրջակա միջավայրի, այդ թվում շրջակա միջավայրի բաղադրիչների, բնական էկոլոգիական համակարգերի, նրանցում ընթացող գործընթացների, դրական և բացասական տեղաշարժերի, իրավիճակի համալիր դիտարկում է, որը թույլ է տալիս գնահատել և կանխատեսնել շրջակա միջավայրի վիճակի փոփոխությունները: Էկոլոգիական մշտադիտարկման նպատակներն են՝ շրջակա միջավայրի վրա ազդեցության գնահատումը և նորմավորումը, ազդեցության աղբյուրների վերահսկումը, որոնք ներառում են.

1. Մթնոլորտային օդն աղտոտող վնասակար նյութերի արտանետումների որակական և քանակական պարամետրերի պարբերական չափումներ՝ հունիս-սեպտեմբեր ամիսներին (շոգ և քիչ տեղումներով եղանակին)՝ օգտակար հանածոյի արդյունահանման ընթացքում յուրաքանչյուր շաբաթը մեկ անգամ: Որպես սահմանային թույլատրելի խտությունները ընդունվելու են. ածխածնի օքսիդի համար՝ 5 մգ/մ^3 , ազոտի երկօքսիդի համար՝ 0.2 մգ/մ^3 , մրի համար՝ 0.15 մգ/մ^3 :
2. Լեռնատրանսպորտային սարքավորումների աշխատանքային վիճակի՝ մասնավորապես չեզոքացուցիչ սարքավորումների սարքին վիճակի պարբերական մշտադիտարկումներ, տարին մեկ անգամ հաճախականությամբ:
3. Օգտագործված մեքենայական յուղերով ու քսայուղերով, ՀՀ կառավարության 24.08.2007թ.ի թիվ 1277-Ն որոշմամբ սահմանված աղտոտիչ նյութերով արտադրական հրապարակի հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ՝ տարեկան մեկ անգամ:
4. Բացահանքի հարակից տարածքներում վայրի բնություն, կենսամիջավայր, կարմիր գրքում ընդգրկված, էնդեմիկ տեսակների մշտադիտարկումներ՝ տարեկան մեկ անգամ: Բացահանքում նախատեսված է նաև իրականացնել աղմուկի և թոթոման մակարդակների պարբերական չափումներ:

Պաշտպանիչ բնամասի ապահովման նպատակով նախատեսված է գետի հունի վիճակի և կայունության վերաբերյալ մշտադիտարկումներ՝ տարին մեկ անգամ գետի վարարումից հետո:

Ախտության գետի աղտոտվածության կանխման նպատակով նախատեսված է ջրի որակական կազմի մշտադիտարկում

Մշտադիտարկումների արդյունքների վերաբերյալ տարեկան ամփոփ հաշվետվությունները (մետաղական և ոչ մետաղական օգտակար հանածոների դեպքում) ընդերքօգտագործողները լիազոր մարմին են ներկայացնում թղթային կամ էլեկտրոնային եղանակով:

Մոնիթորինգի միջոցառումների իրականացման համար նախատեսվում է տարեկան 240000 ՀՀ դրամ:



Պարճառաքանական մաս. Նախատեղվող գործունեության ՇՄԱԳ հաշվետվության փորձաքննությունն իրականացվել է «Շրջակա միջավայրի ազդեցության գնահատման և փորձաքննության մասին» ՀՀ օրենքի պահանջներով: Շիրակի մարզի Ղարիբջանյանի համայնքում օրենսդրությամբ սահմանված կարգով իրականացվել են հանրային քննարկումներ, որոնց ընթացքում տեղական ինքնակառավարման մարմինների և հասարակության կողմից նախատեսվող գործունեության իրականացումը արժանացել է հավանություն:

Փորձաքննության ընթացքում հաշվետվությունը շրջակա միջավայրի նախարարության ստորաբաժանումների առաջարկություններով և դիտողություններով լրամշակվել է:

Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, կրթության, գիտության, սպորտի, մշակույթի, սպորտի և արտակարգ իրավիճակների նախարարությունները, կադաստրի կոմիտեն, ինչպես նաև Շիրակի մարզպետարանը:

Պետք է փաստել, որ ՇՄԱԳ հաշվետվությունում շրջակա միջավայրի պահպանության, ինչպես նաև սոցիալական հնարավոր ազդեցությունների կանխարգելման տեսանկյունից նախատեսվել է բավարար միջոցառումների ծրագիր:

Հանքավայրի շահագործման արդյունքում հնարավոր ազդեցությունները շրջակա միջավայրի վրա հիմնականում պայմանավորված կլինեն արդյունահանման աշխատանքներով՝ օդային, ջրային ավազանների, հողային ռեսուրսների աղտոտվածությունը, որոնք սակայն կլինեն թույլատրելի նորմաների սահմաններում: Տարածքը ներառված չէ բնության հատուկ պահպանվող տարածքի սահմաններում: Բուն տարածքում ՀՀ բույսերի և կենդանիների Կարմիր գրքերում գրանցված տեսակներ չեն արձանագրվել:

Տարածքում կենդանական աշխարհի ներկայացուցիչներ բներ, բնադրավայրեր չեն հայտնաբերվել և չեն կարող լինել պայմանավորված հանքավայրի ձևավորման առանձնահատկություններով:

Հանքավայրի և ՋՏԿ-ի համար հայցվող տարածքը գտնվում է Ախուրյան համայնքի Ղարիբջանյան բնակավայրի վարչական տարածքում, չի առնչվում բնապահպանական, կամ անտառային տարածքների հետ:

Արդյունահանման աշխատանքների ընթացքում շահագործվելու են արդեն գոյություն ունեցող, գործող ենթակառուցվածքները, հետևաբար լրացուցիչ ազդեցությունը բնական լանդշաֆտների վրա կլինի նվազագույն: Այստեղ չի ձևավորվում հաստատուն հողաբուսական շերտ և հետևաբար, ինչպես արդեն նշվել է բուսականություն:

Արդյունահանման աշխատանքների ընթացքում շահագործվելու են արդեն գոյություն ունեցող, գործող ենթակառուցվածքները, հետևաբար լրացուցիչ ազդեցությունը բնական լանդշաֆտների վրա կլինի նվազագույն:

Ամփոփելով Հայտի բնապահպանական և սոցիալական ազդեցությունների վերլուծությունները՝ կարելի է եզրահանգել որ, շրջակա միջավայրի վրա հնարավոր բացասական ազդեցությունները, որոնք կառաջանան նախատեսվող գործունեության աշխատանքների իրականացման արդյունքում, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Սոցիալական ազդեցության մեղմման միջոցառումների շրջանակներում ընկերությանը իր պատրաստակամությունն է հայտնում պարբերաբար հանդիպելու համայնքի ղեկավարության հետ, քննարկելու անհրաժեշտ օգնության ծրագրերը և 220.0հազ. դրամ ֆինանսական ներդրումներ կատարել համայնքի բյուջե:



Բնապահպանական միջոցառումների ծախսերի մեծ մասը իրականացվում է շահագործման ծախսերը շրջանակներում: Հավելյալ՝ տարեկան ծախսերը կկազմեն՝ 104000 դրամ/տարի:

Ըստ գնահատման հաշվետվության Ղարիբջանյանի ԱԿԽ-ի հանքավայրի շահագործման շրջանակներում նախատեսվում է իրականացնել ժամանակավոր հողօգտագործում, որից հետո համալիրը պետք է փակվի: Հանքարդյունաբերական համալիրի փակումը իրականացվում է համաձայն ընդերքի շահագործման թույլտվության պայմանագրի մաս կազմող հանքավայրի փակման ծրագրի, որը իր մեջ ներառում է հետևյալ միջոցառումները՝

- հանքի ֆիզիկական փակման ծրագիրը, որում ներառվում է ենթակառուցվածքների, մեքենաների, սարքավորումների և շինությունների ապամոնտաժում,
- օգտակար հանածոյի արդյունահանման հետևանքով խախտված հողատարածքների ռեկուլտիվացիա,
- աշխատուժի սոցիալական մեղմացման միջոցառումները՝ օրենսդրությամբ սահմանված կարգով,
- օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքնի բնակչության անվտանգության և առողջության ապահովման նպատակով, մշտադիտարկումների իրականացման ծրագրով նախատեսված միջոցառումները,
- հանքավայրի շահագործման աշխատանքների ավարտից 2 տարի առաջ հանքի փակման վերջնական ծրագրի կազմման հավաստումը,
- հանքի փակման ծրագրի իրականացման ֆինանսական երաշխիքները/շրջակա միջավայրի պահպանության դրամագլուխը/ /ՀՀ Ընդերքի մասին Օրենսդրության 28.11.2011 թ. Հոդված 49, կետ 2/:

Փորձաքննական պահանջներ

1. Համաձայն ՀՀ կառավարության 2002 թվականի ապրիլի 20-ի N 438 որոշման 43-րդ կետի «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմնին»:
2. Հանքավայրի շահագործման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկումներ ծրագրում նախատեսված միջոցառումների իրականացումը:
3. Աշխատանքների իրականացման ընթացքում անհրաժեշտ է պահպանել հաշվետվությունում, նախագծային փաստաթղթերում ներկայացված տեխնոլոգիական նորմերը, բնապահպանական պահանջների կատարումը, ինչպես նաև ապահովել նախատեսված սոցիալական ծրագրերի իրականացումը:
4. Հանքարդյունահանման աշխատանքների իրականացման ընթացքում անհրաժեշտ է առաջնորդվել ՀՀ կառավարության 2018 թվականի փետրվարի 22-ի Ըներքօգտագործման հատկանքով բնապահպանական կորուստների նվազեցման, անվերադարձ ազդեցության կանխարգելման նպատակով պլանավորվող մշտադիտարկումների իրականացման պահանջների, ինչպես նաև արդյունքների վերաբերյալ հաշվետվությունները ներկայացնելու կարգը սահմանելու մասին N 191-Ն որոշման պահանջներով, շրջակա միջավայրի բաղադրիչների մթնոլորտային օդ, հողային ռեսուրսներ, կենսաբազմազանություն



մշտադիտարկումների արդյունքների տարեկան հաշվետվությունը նշված որոշմամբ սահմանված ժամկետներում և ձևաչափով ներկայացնել լիազոր մարմին:

5. Արդյունահանման աշխատանքների ընթացքում անհրաժեշտ է առաջնորդվել ՀՀ կառավարության 20 հունվարի 2005 թվականի N 64-Ն «Ջրաէկոհամակարգերի սանիտարական պահպանման, հոսքի ձևավորման, ստորերկրյա ջրերի պահպանման, ջրապահպան, էկոտոնի անօտարելի գոտիների տարածքների սահմանման չափորոշիչների մասին որոշման պահանջներով»:

6. Առաջնորդվել 2006 թվականի հոկտեմբերի 26-ի «Հայաստանի հանրապետությունում գոյացող արտադրության (այդ թվում՝ ընդերքօգտագործման) և սպառման թափոնների ցանկը հաստատելու մասին» 342-Ն հրամանի որոշմամբ:

7. Գործունեության իրականացման ընթացքում ապահովել ՀՀ առողջապահության նախարարի 2012 թվականի սեպտեմբերի 19-ի թիվ 15-Ն հրամաններով հաստատված ՀՀ-ում գործող սանիտարական կանոնների և նորմերի պահանջների կատարումը:

Հաշվետվությունում առկա առաջարկվող մեղմացող, միջոցառումները ընդունել պարտադիր կատարման ենթակա:

ԵԶՐԱՓԱԿԻՉ ՄԱՍ

Շիրակի մարզի, Ղարիբջանյանի ավազկոպճային հանքավայրի աշխատանքների շրջակա միջավայրի վրա ազդեցության գնահատման հաշվետվության վերաբերյալ տրվում է փորձաքննական դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն»
ՊՈԱԿ-ի առաջատար մասնագետ՝



Ն. Նասիբյան